

Пахтачиликни ривожлантириш Кенгаши ҳақида маълумот

Пахтачиликни ривожлантириш Кенгаши тўғрисидаги Низом 2009 йилда қабул қилинган. Кенгаш ўз фаолиятини мазкур Низом талабларидан келиб чиқиб ташкил этади.

Кенгашининг асосий вазифалари пахтачиликни ривожлантиришнинг истиқболли йўналишларини ишлаб чиқиш, соҳани янада такомиллаштиришнинг устувор йўналишларни белгилаш, ерлардан унумли фойдаланиш ва деҳқончилик маданиятини юксалтириш, тупроқнинг балл бонитети, агрокимёвий ҳолати ва бошқа кўрсаткичларни инобатга олган ҳолда минерал ва органик ўғитлардан фойдаланиш самарадорлигини ошириш, мавжуд ресурслардан самарали фойдаланиш, замонавий тежамкор технологиялар ва янги услубларни кенг жорий этиш, умуман олганда, пахта хомашёсини етиштириш ва териб олишда сарфланадиган харажатларни камайтириш эвазига фермер хўжаликлари фаолияти натижадорлигини ошириш бўйича илмий асосланган тавсиялар ишлаб чиқишдан иборат.

Шунингдек, ғўза селекцияси, генетикаси ва агротехнологияси бўйича жаҳон пахтачилигига эришилган илғор тажриба ва фан ютуқларини, мамлакатимиз минтақаларида ғўзадан мўл ва сифатли ҳосил етиштиришда эришилаётган илғор тажрибалар ва янги услубларни кенг тарғибот қилиш Кенгаш фаолиятининг устувор жиҳатлари ҳисобланади.

Шунингдек Кенгаш Низомида белгиланган бошқа масалаларни ҳам ўрнатилган тартибда муҳокама қилиб, қарорлар қабул қиласди. Кенгашининг барча тавсиялари, қарорлари Ўзбекистон Республикаси Қишлоқ ва сув хўжалиги вазирлиги ҳайъатининг мажлисларида муҳокама этилади. Қорақалпогистон Республикаси Қишлоқ ва сув хўжалиги вазирлиги, вилоятлар Қишлоқ ва сув хўжалиги бошқармалари, туманлар Қишлоқ ва сув хўжалиги бўлимлари, хўжалик юритувчи субъектлар томонидан тўлик бажарилиши мажбурийдир. Кенгашининг қарорлари ижросини таъминлаш мажбурийдир.

Пахтачиликни ривожлантириш Кенгаши аъзолари Қорақалпогистон Республикаси Вазирлар Кенгаши ва вилоятлар ҳокимликларининг тақлифларига кўра, соҳа бўйича кўп йиллик тажрибага эга, малакали мутахассислар ва олимлардан иборат таркибда, жамоатчилик асосида тузилади.

Кенгаш аъзолари ва уларнинг сони таркиби Кенгаш раиси томонидан тасдиқланади ва тавсиясига биноан бўштилади. Кенгашининг раиси Ўзбекистон Республикаси Қишлоқ ва сув хўжалиги вазирлиги ҳайъатининг аъзоси ҳисобланади.

Пахтачиликни ривожлантириш Кенгашининг йиғилишлари 1 йилда 4 маротаба ўтказилади (кварталда бир марта), зарурат туғилган ҳолларда навбатдан ташқари чақирилади.

Кенгашининг ишчи органи вазирликнинг Пахтачилик ва техника экинларини ривожлантириш бошқармаси ҳисобланади.

Пахтачиликни ривожлантириш кенгаши таркиби

- | | |
|-----------------------------|---|
| Эргашев Аваз
Эргашевич | - Ўзбекистон Қаҳрамони – <i>Кенгаши раиси</i> |
| Шодмонов Намоз
Эргашевич | - Ўзбекистон Қишлоқ хўжалиги илмий-ишлаб
чиқариш маркази бош директори ўринбосари –
<i>Кенгаши раиси ўринбосари</i> |
| Матякубов Озод
Ахмедович | - Қишлоқ ва сув хўжалиги вазирлигининг
Пахтачилик ва техника экинларини
ривожлантириш бошқармаси бошлиғи – <i>Кенгаши
масъул котиби</i> |